

Cevio



Fotografia istorica da la Val Maggia

«... Dals uffants na vulain nus gnanc discurrer. Entant ch'ils gronds faschevan lur lavur, èn els stads exposts a tut ils privels... els èn morts da difteria e da la tuss chanina, tsherts er, perquai ch'els èn vegnids nutrids per uschè dir mo cun aria e cun amur.» dal roman «Fondo del sacco» (rumantsch: Fund dal satg. Roman d'in return) da Plinio Martini, Caviglioglio 1923-1979

Nus As preschentain qua ina fotografia istorica da la Val Maggia da pli baud. Sias cundiziuns da viver èn vegnidas descrittas en moda grondiusa e cun tut lur direzza dal scriptur Plinio Martini. Ella duai suttastritgar che nus ans chattassan anc adina en quella situaziun difficila e pauc inspiranta, sch'i n'avess betg dà umens e dunnas che han gi la voluntad da garantir - tras il progress - il svilup socio-economic e la bainstanza generala per generaziuns vegnintas.

Quest success avain nus d'engraziar a la politica!

El è il resultat dal partenadi tranter la Confederaziun, ils chantuns e las vischnancas che ha construi ina Svizra che sa deditgescha cun la medema atenziun a ses entir territori naziunal ed a tut las realitads.

Nus As gratulain da cor per questa elecziun impurtanta ch'è in'onur tant per Vus sez sco er per l'entir Tessin. Nus As giavischain tut il bun per quest uffizi che Vus vegnis, sco nus sperain, ad ademplir er en l'interess da las regions perifericas. Bler success per Vossa lavur per la Svizra! Admettend nossa auta stima As salidain nus cordialmain.

Vischnanca da Cevio